

**Zeitschrift:** L'ami du patois : trimestriel romand  
**Band:** 44 (2017)  
**Heft:** 166

**Artikel:** Parabouole di maïnô rèpintu  
**Autor:** An  
**DOI:** <https://doi.org/10.5169/seals-1045157>

#### Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

#### Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

#### Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

**Download PDF:** 22.11.2024

**ETH-Bibliothek Zürich, E-Periodica, <https://www.e-periodica.ch>**

- 27 Lù vâlètt lu a rèfondoùk : Y'èth kè lù voûthre frâro è tornà; è lù voûthre pârre a bóouchyà lo vê grâ pò chèin kè lo toûrne vèrre èn sannté.
- 28 Chèin kè chènn l'a amalùchyà, voulei pâ ûntrà óou peûlyo; mâ lù chyo pârre îre foûra pò lo chûplèyè,
- 29 lù füss lù a fé sta rèpônsa : Éitò y'a za tan dè-j-ànss ke vo chèrvo, è vò-j-é jyamì dèjobèk pò tsóouja; è tò ché tèïn m'éi jyamì balyà oun tsèvrotìn pò mè dèmorà avoué lè myó-j-amìk;
- 30 mâ stóou k'è tornà l'âtre déi voûthro füss, kù y'a machyà chouunn aféire avoué dè chóoume, éigss bóouchyà pòr louïk lo vê grâ.
- 31 Adònn lù pârre lù a dûtt : Myo füss, éithe tò dóou tèïn avoué mè, è tòtt chèin k'y'éitt èth a vó;
- 32 mâ faléi bìn féire rubòta è no rèzóouyè, pò chèin kè lù voûthre frâro chìlya îre mòò, è y'è rëssùssùtà; îre dèferdoùk, è ch'è tornà trovà.

## **PARABOULE DI MAÏNÔ RÈPINTU**

*Raymond Ançay-Dorsaz, Fully (VS)*

D'apri l'Évanjil'è dè Chin Luk

- 11 Jéju leu j'a onkouo dë : On n'omouë l'avaï dou boube,
- 12 è, le pië dzevën'è, l'a dë i pir'è : Pape, bayè-mè chin kë (i\*) dai mè rèvèni, dè voutr'è beïn. È le pir'è l'a pouaï fi le partâdze (partiâdze) dè chi beïn.
- 13 Kâk'è dzo apri chin, le pië dzevën'è di dou boube, l'a ramachô to chin kë l'avaï, è, (i\*) l'è partaï pouo on payi éstrandzë, fran yuin. Li, i l'a to dévouëdja chon beïn din dè moncht'è banbouochèri è dè faratèri a la djiâble.
- 14 Din ché payi, kan l'a to ju dépinchô (pëkô), i l'è arèvô na grôch'a famëne, è (i\*) l'a keminch'a d'îtr'è marènu dè to.
- 15 Adon, i l'è partaï dè li, è (i\*) chè ingadza vé on-na dzin dè ché payi. Cheïntche le l'a invouëya, in tsanpagne din na fîrme â yui, pouo vouardâ li kayëni.
- 16 È li, i l'arây'è itô bien kontin dè pouovaï inpli la panshië avoui dè kouof'è u dè récht'è dè kouërtéyâdz'è, kë medzëv'on li kayëni, mi gnou yaï bayëv'on nin.
- 17 Adon, i chè dë in yui-mîmouë : Vouire i y'a, dè cheïnpl'è valè, vé le pir'è â no, kë l'on mi dè pan kë l'on mank'a ; è ye, kë krap'è dè fan, îtche (=intche) !
- 18 I mè fô via, dè pèr'eïntche. I mè fô alâ trovâ le pir'è, è, mè fô yaï dëre : Pape, i chaï in pètsa, kontre le chièl, è, kontr'è vouo ;

- 19 è i chaï pâmi dëgn'è dîtr'è anou voutr'è boube ; tratâ-mè min le pië pëtchou di valè kë vouo j'aï (di valè kë vouo j'aï, a voutr'è charviche).
- 20 Adon, l'è pouaï partaï, è, l'è venu trovâ le pir'è. Kan l'ér'è onkouo fran yuin, le pir'è le l'a aparchaï (le l'a yu), è l'è ju to rëbouëya (to rëbouëya dè konpachon // to émouochonô), è, (i\*) l'a galopô vé yui, i l'a choeütô yaï i kou, è, i le l'a dzoutô grantin (le l'a inbracha grantin).
- 21 Le boube l'a dë yaï : Pape, i chaï in pëtsa, (n'i fi dè pëtsa kontre...) contre le chièl è, kontr'è vouo ; è, i chaï pâmi dëgn'è d'itr'è anou voutr'è boube.
- 22 Adon le pir'è, l'a dë a chi charviteu : Portâ-mè vit'è la pië bal'a rob'a, è, vèti-le avoui ; mètè-yaï on-n'a bague i daï, è, dè bouot'è (dè chandal'è) i pia ;
- 23 alâ kéri on vé grâ è, tchuâ-le ; mëdzin è finj'in na chouy'a dè fite (è fin-j'in la fît'a) :
- 24 pouorchin kë mon boub'è-îtche, l'ér'è mô, è, i l'è rèchuchitô ; i l'ér'è pardu è, i l'è rëtrouvô. Pouai i l'on inrëya dè fire on bankè (on-n'a grôch'a fite).
- 25 Mi adon, le prèmië di boub'è, kë l'ér'è pè li tsan, l'è tornô ; kan i l'è ju pëchk'è vé maïjon, i l'a avoui dè mouëjëke è, le pouotin dè shioeü kë danshiëv'on.
- 26 I l'a apêlô dè feur yon di charviteu è l'a démandô-yai chin kë (i\*) y'avai.
- 27 Le chaviteu l'a rëpondu-yaï : L'è voutr'è frâr'è kë l'è tornô ; è voutr'è pir'è l'a fi tchuâ on vé grâ, pouorchin kë, i le l'a rëtrouvô in chanté.
- 28 Chin le l'a ingreïndza, è, i vouolaï pâ rintrâ a maïjon ; mi le pir'è l'è chortai pouo l'intondzë dè vèni dedin.
- 29 mi, i l'a rëpondu-yaï : Vouire (i\*) y'a d'an, kë (i\*) vouo charvouë ( kë i travaye pouor vouo), è n'i toti fi a këman a to chin kë vouo m'aï kemandô ; pouortan, vouo m'aï jamé baya on tsëvri, pouo fitâ on moué (pouo mè rëdzouyë) avoui mi j'ami ;
- 30 Mi pè-kontre, di kë l'âtr'è dè votri boube l'è tornô, ché kë l'a to pëkô chon beïn, a faratâ avoui dè tsaravout'è dè fëmal'è, adon li, vouo j'aï tchuô on vé grâ !
- 31 Adon le pir'è l'a dë-yaï : Mon brâv'è boube, vouo j'ît'è toti avoui mè, (t'i toti avoui mè) è, to chin kë n'i, l'è, â vouo (è, to chin kë n'i, l'è â tè) ;
- 32 (mi) i fayîv'è proeü fir'è na fît'a è, no rëdzeyë (itr'è in joué), pouorchin kë voutr'è frâr'è-îtche, (ton frâr'è-îtche) l'ér'è mô, è, i l'è rèchuchitô ; i l'ér'è pardu, è, i l'è rëtrouvô.

NB : 1) (i\*) = dans le langage oral, ce "i" (que ce soit pour "j" ou pour "il/elle"), n'est pas nécessaire et va généralement de soi ! Mais dans les écrits, le plus souvent, il semble nécessaire.